


Promer publicacion Aeronautico di Aruba



ORANJESTAD (AAN) - Director Interino di Departamento di Aviacion sr. Narciso Pieterz a haci entrega di e promer Aeronautical Information Publication di Aruba na Minister di Trafico y Comunicacion sr. Angel Bermudez. Cu e introduccion di su propio publicacion di A.I.P., Aruba lo ser incorpora mas den e A.I.P. di Antiyas Hulandes.

Segun e tratado pa Aeronauti-

cal Civil Internacional, mester publica informacionnan general di Aeropuerto y Aviacion. Tambe e A.I.P. ta contene informacion encunto e facilidadnan di Aeropuerto,

Radionavegacion y Comunicacion, reglamento di trafico aereo, Douane y Migracion, Servicio Meteorologico y mapanan di aviacion y busqueda y salvamento.

E A.I.P. di Aruba lo ser manda tambe pa varios instancianan na mundo cu ta traha ariba tereno di aviacion. Companianan di aviacion y otro interesadonan por obtene A.I.P. Aruba despues di tuma contacto cu departamento di aviacion.

A.I.P. Aruba a ser compila y produci na e Departamento di Aviacion y lo ser mantene up-to-date mediante un "amendment-service".